

potestas Tergesti, qui conducere possit vinum et alia victualia pro se et sua familia, excepta ribuolla, exceptis Venetis monachis clericis et monasteriis qui habent vineas in districtu Tergesti, qui conducere possint vinum sic ortum in districtu Tergesti in civitatem Tergesti. ¶ Insuper prohibemus quod aliqua persona forensis non habitans in districtu Tergesti vel in Valle de Mucho vel in villis in supra proximo ¹⁾ statuto ¹⁾ dictis nullo modo vel ingenio possit incanipare aliquod vinum in villis supra specificatis, sub pena centum libr. par. et perdendi vinum, pro qualibet persona contrafatiente et vice qualibet contrafacta. ¶ Et aliqua persona de supradictis, habitans in aliqua supradictarum villarum non sit ausa recipere aliquod vinum alicuius forensis in suis canipis sub eadem pena. ¶ Et
155 B quilibet // possit acusare et habeat medietatem condemnationum et vini; exceptis filiis domini Durnichi qui reputentur habitatores dicte Vallis de Mucho, et exceptis aliis rusticis civium Tergesti et aliis forensibus qui habuissent tenuissent et possedissent canipas suas proprias in villis et locis supradictis vel aliqua ipsarum, per se vel eorum predecessores, per tempus decem annorum ad minus continue et ab inde superius. ¶ Qui ²⁾ rustici et forenses, habentes tales canipas in dictis villis vel aliqua ipsarum, non habitantes in eisdem, comparere debeant coram dominio Tergesti ad denuntiandum ipsas earum canipas et ostendendum legitime si possiderint dictas canipas in locis predictis vel aliquo ipsorum per tempus predictum, et hoc infra unum annum, qui annus incipiat in millesimo trecentesimo quinquagesimo indictione tertia die primo menssis ianuarii. ¶ Et qui non comparuerint infra dictum tempus ad denuntiandum et legitime ostendendum predicta, elapso dicto termine minime audiantur, et habeantur et intelligantur non habuisse vel habere canipas in dictis villis vel aliqua ipsarum.

¹⁾ Aggiunta marginale.

²⁾ *Qui-ipsarum* aggiunta marginale.